


ANNIVERSARIUS  
DUODECIMUS  
DIVO  
LEOPOLDO  
IMPERATORI  
CÆSARI AUGUSTO  
PATRIÆ PATRI  
GERMANICO PANNO-  
NICO BOJOHEMICO DACICO  
ILLYRICO GETICO  
ET  
*QUOD NOMEN SUPRA OMNE  
HUMANUM NOMEN EST*  
AUSTRIACO  
INAUGURALIS  
VOTIVO NON IGNOTÆ  
PIETATIS CULTU CELEBRATUS.



JOHANN: XVIII.  
NON HABEMUS REGEM NISI  
CÆSAREM.

HOMER.

ΕΙΣ ΚΟΙΡΑΝΟΣ ΕΣΤΩ  
ΕΙΣ ΒΑΣΙΛΕΥΣ.

SACRA CÆSA-  
REA REGIAQUE  
MAJESTAS.



NullumTE,LEOPOLDE  
CÆSAR, dignius, nullum tempori  
convenientius argumentum inveniri  
potuit, quam quod ultrò se offert. Instat, imò  
adstat faustissima dies, quâ Anniversarium Ele-  
ctionis

Etionis TUÆ, solenni & olim quoque sub verustis  
Principibus usitatâ pietate, inter gaudia lætasque  
acclamationes celebramus, & Conditori DEO  
pro Vita TUA, pro salute Imperii, nova vota nun-  
cupamus. Faveat Cœlum justis desideriis! exau-  
diat castas fidelium preces Reip. causâ, cujus TU,  
DOMINE, potissima pars es, conceptas. Ab-  
sint improbæ spes, & captandæ mortis vota: ut-  
ut altè, nimis tamen properè eorum animis in-  
fixa, qui habere Imperium, quàm expectare ma-  
lunt. At bonum scilicet publicum prætendunt,  
qui proprium quærunt: in rem suam, imò pere-  
grinam maligni procuratores. O nimis pelluci-  
das fraudes, & inania arcana, vanosque dolos,  
qui tales esse desinunt, nisi astu colantur! Spe-  
ciosa ista utilitatis communis, securitatisque pub-  
licæ nomina jamdudum exoleverunt, neque am-  
plius fidem faciunt civilis animi, & de alienâ  
magis, quàm propriâ causâ solliciti. Quæ nos  
scelera, illi remedia vocant: paci videlicet eo in-  
strumento consulturi, quo parta turbatur. Igno-  
rant nimirum, neque orbem duos soles, neque  
unam gentem duos simul Principes in summo  
gradu positos, ferre posse. At nempè orbitas  
TUA, DOMINE, eos movet, ut quod casus  
abstulit,

abstulit, industria suppleat, & ut successor, quem serò in Familia expectes, promptius è Rep. petatur, ac loco libertatis electio sit, quæ, ut illi ajunt, optimum quemque invenit, si non sanguinis, quemadmodum ipsi auctumant, sed meriti ac virtutis ratio habeatur. Næ autem hi de alieno morbo laborant, ac de florentissimæ ætatis fœcunditate præproperè desperant. Pudeat ineptiarum, & temeritatis suo semet indicio damnantis! An verò, unius morbi periculum, de futuris & incertis contingentibus anxios reddidit? Ita sanè, si verbis potius quàm rebus habenda fides esset. Ignorant fortè, nullam summi Imperii communionem esse, neque dividi posse, quæ separari nequeunt, ac unum esse Reip. corpus, & unius animo regendum. Hoc si nesciunt, aut nescire se, quod verius est, fingunt, hâc saltem vice, autoribus omnis ævi sapientibus, experientiâ magistrâ discant, malè regi Remp. plurium Imperiis, rem iudivisibilem esse Majestatem, & Parellos non in terrâ minùs quàm in Cœlo inter Prodigia Naturæ, non opera haberi, infaustisque omnibus accenferi. Nunquid frustra vetustissimivatis decantatissimum illud, & huic commentationi præscriptum

— — — \*Εἰς Κοίτην ② ἔσθ  
\*Εἰς βασιλεὺς — — —

C. Jul. Cæsar, primus Imperii illius, quod nunc  
TUIS, AUGUSTE, humeris incumbit, funda-  
tor semper in ore habuit? Quod si enim, ut  
juris Romani consecraneis notum est, materia  
communione inter privatos etiam solet excita-  
re discordias, ubi tamen vel de communi divi-  
dendo, vel de herciscundâ familiâ, aut de fini-  
bus agrorum privatorum regendis duntaxat agi-  
tur: quanto magis

*Nulla fides regni sociis, omnisq; potestas  
Impatiens consortis erit!* — —

Quod si Aulicus favor ab ambulatoriâ Heri vo-  
luntate dependens rivalem non admittit: quan-  
tò difficilius est, eodem loci summam potentiam  
& concordiam esse? Si conservi ad unius Domi-  
ni lubitum, ac in horas & singula sæpè momen-  
ta mutabiles nutus, modò felices, modò miseri,  
in eodem gratiæ gradu ægrè sine invidiâ, nec  
diu sine alterutrius lapsu, se mutuò ferre queunt:  
quomodo id Con-Domini supremâ unius Impe-  
rii potestate ex æquo, & sine superiore, fruenter  
pate-

paterentur? Delicatus aliquid est regnum, quàm ut consortem; Majestas, quàm ut cœqualem toleret. Neque ita, ut in Civitate Magistratus, sic in Imperio Cæsares vel inter se æquantur, vel sibi invicem surrogantur. Alia Civium in Rep. alia summorum in Regno Principum ratio est. Æqualitas Civitatum, inæqualitas regnorum munimentum est. In plurium statu pares cum paribus concurrunt, &, ut proverbium est, facile congregantur: at ubi unus imperitat, parem non agnoscit, qui summus est, & secundum ac proximum, non nisi longo & distincto intervallo, non juxta, sed ponè se recipit. Jam olim Romæ, non aliam ob causam,

*Fraterno tincti maduerunt sanguine muri.*

Et inter prima senescentis jam Imperii incunabula propè eversus orbis est, dum de Principatu inter bonos certatum fuit; ac Pompeji Crassique potentia in Cæsarem, Lepidi atque Antonii arma in Augustum non sine cæde & sanguine cessere. Neque aliter deinceps judicatum, quàm nec imperanti, nec imperio securitatem, nisi extincto æmulatu, redituram. Æmulus autem est, quisquis est proximus, quisquis luce suâ, quamvis  
mutua-

mutuatitiâ , luminibus nostris officit , & radiis nostris suos interjicit. Non aliter Luna inter Cœlestia infimum ac terræ proximum corpus , dum ad solem propius accedit , fulgoris ejus partem intercipit , ac Eclipsin inducit. Idem fit in his sublunaribus , quæ in plurimis alta illa & superna imitantur. Si per exempla ire lubet , & monita prudentum documentis rerum firmare placet ; quando infelicius Romanum Imperium , quàm cum in plures spargi Principes cepisset ? Quàm brevis Diocletiani & Maximiani , quàm infau-  
sta inter Severum & Pescennium , inter Constantinum M. & Licinium , inter Constantini liberos potentix societas. Quando plura bella , sæviora certamina , funestiores casus , quàm cum tot Augustorum , tot Imperatorum , tot Cæsarum subordinata , & novis ac olim incognitis interpretationibus detorta vocabula , Græcâ vanitate usurpari cepissent ? Nec alia res Imperium Occidentis ad Francos , Orientis ad Turcas transtulit , quàm illa inter pares & eadem cupientes de summâ rerum contentio. Hinc assidua liberorum cum Parentibus , Fratrum cum Fratribus , Generatorum cum Soceris , Propinquorum cum proximis dissidia , clam per venena , sicas , insidias , palam



lām per bella & praelia grassantia. Quod malum  
 viris & viribus praestantissima nudavit imperia,  
 & Trapezuntem, Achajam, ipsamque Romae  
 æmulam Constantinopolim Barbarorum poten-  
 tiæ ultrò in subsidium accitæ exposuit. Neque  
 melior in occidente rerum facies: dum inclina-  
 tis Francorum rebus, Arnolphus Carolo Crasso  
 adjunctus, & in partem curarum receptus, bene-  
 ficii sui autorem omni potestate exuit, & ad mo-  
 dica alimenta à Proceribus Francorum emendi-  
 ganda adegit. Paria fata Henricus IV in Rudol-  
 pho Sueviæ Duce, imò, quod exemplo pernici-  
 osius, in suomet Filio nimis præcociter in pater-  
 ni fastigii consortium admisso, expertus est. Eo-  
 dem casu augustissima veterum Sueviæ Principum  
 domus concidit, impellentibus eam ac præ-  
 cipitem agentibus præposteris evectionum ejus-  
 modi consiliis. Nolo propiora memorare, quo-  
 rum ut recentior memoria, ita gravior invidia  
 est. Satis hæc pauca vice omnium adducta osten-  
 dunt, falli eos, & fallere, qui pravas aliorum  
 spes cohiberi putant, si successor non in incerto  
 sit. Benè hæcenus cesserit, Friderico IV Maxi-  
 milianum, Carolo V Ferdinandum, huic Maxi-  
 milianum alterum, isti Rudolphum II, ac Ferdi-

B

nando

nando II filium cognominem viventibus surrogatos : At ex eâdem domo , volentibus quorum intererat, ac suæ magnitudini & cooptatorum modestiæ confisis , & ne sic quidem absque invidiâ & calumnia aliorum , qui cum factionibus floruisſent , potentiam fundatæ longo Imperio domûs suspectabant, factum est. Nota sunt, quæ Suinofurti superiore , & in diversis conventiculis nostrâ ætate inita fuerunt consilia, ne quis vivo Cæsare Rex crearetur. Quod si tunc, nondum adeò externis amicitiiis illigatâ dicam an infectâ Germaniâ, vel fœderibus sancitum, vel legibus cautum fuit , ne, nisi omnium Electorum consensu, superstiti summo Principi sub Regis Romanorum titulo adderetur vel Collega muneris, vel hæras dignitatis, aut in uno fastigio duo simul constituerentur : quantò formidolosius, hæc nostrâ ætate, istâ morum pravitate fuerit, non Fratri Fratrem , ut quondam Rudolpho II Mathiam ( quanquam ne id quidem, nisi opportuna alterius mors litem tempestivè diremisset , periculo ac perniciæ , ut monumenta publica , & arcani commentarii testantur , cariturum fuerat ) sed Austriaco Principi extraneum sufficere , qui Cæsarei nominis per tot sæcula in hac familiâ cum

summâ laude conservati claritudinem aliam in  
domum ferat, nunquam eò, unde semel diverte-  
rit, redituram? Non injuriâ suspectus semper,  
invisusque dominantibus est, quisquis proximus  
destinatur: & propterea à Parentibus Liberi, Fra-  
tres à Fratribus, Generi à Soceris non timentur  
modò, sed, quantum fieri potest, cohibentur, ne  
quam Reip. partem sibi vindicent. Unde lege  
etiam Regiâ Ferdinando III TUO, CÆSAR,  
Parenti, TUO itidem Fratri Ferdinando IV  
scriptâ, seriò prospectum fuit, ne vivo Patre  
quicquam pro Imperio agerent. Quantò autem  
accuratiùs providendum est Patriæ studiosis, ne  
in multò periculosiores scopulos impingat Ger-  
mania, si superstitè integris viribus Augusto,  
præcocibus in futuros morbos remediis vel præ-  
sumtis vel adhibitis, malum eminens  
præposterâ curatione acceleraverit, ac in bellum  
Civile, quod prævenire ac declinare nititur, ul-  
trò inciderit. Num, si displicent regnantibus  
civilia etiam filiorum ingenia; si Antiochus olim  
filium gravem senectæ suæ successorem instare  
credidit; si Elisabetha Britannica, Mariam Stuar-  
tam proximam & indubitatam Sceptri Anglici  
heredem, libertate, ac tandem vitâ, ob id solum

destituit, quod imminere eam sibi viventi ac in-  
hiare successioni paulò avidius & ambitiosius,  
quàm par fuerat, existimaret, ac linteum sepul-  
chrale ante oculos, ut loquébatur, suspensum  
quotidiè intueri nòllet; si Henricus III Gallo-  
rum Rex Valesiæ stirpis postremus ægrè fecit, ut  
sibi vivo tumulum fodi, hoc est, se vivo ac vi-  
dente suam hæreditatem cerni, designato succes-  
sore, pateretur: æquonè laturum animo LEO-  
POLDUM arbitramur, Sibi tot Majorum, tot  
propriis meritis; ac Dei hominumque consensu  
ad Imperium vocato, nullâ necessitate, nullo in  
tàm viridi ipsius Augustæque Conjugis ætate or-  
bitatis periculo, sub Regis Romanorum nomine  
Successorem, tanquam Pro-Consuli è Provinciâ  
discessuro, dari? Cavete igitur, ô mei Germani,  
& ad fallaces ejusmodi fabulas obturate aures,  
obvertite terga, obfirmate animos!

— — — *illâ latet anguis in herbâ.*

Dulce canit fistula, dum volucrem auceps deci-  
pit. Qui Imperium evertere moliantur, liberta-  
tem præferunt: ubi Imperium everterint, aut  
in se traxerint, libertatem ipsam aggredientur.  
Mite ac Tyrannidis expers Austriacorum Regi-  
men

men, ne hostes quidem ac æmuli inficiati sunt: industria duntaxat innocentiaq; ejus, tanquam malis artibus, infensi, & probitate mansuetissimæ Gentis, in occasionem exercendæ per tot conjunctiones & detecta jam facinora malitiæ, nequiter abusi. Non ultra dissimulandum est discrimen, quod capiti TUO, DOMINE, quod Imperio, quod domui TUÆ ac Provinciis, quod privatis cujusque nostrum laribus ac penatibus impendet. Præterit tempus, quo sanare potius quam exsecare debere vitiosas Reip. partes videri poteras. Confugiendum est ad fortiora remedia, & velut Medici nihil in corporibus ægris, quod nociturum est, relinquunt, ita & nos, quicquid obstat Imperio, quicquid vel occultis cuniculis, vel vi apertâ Majestatem TUAM, & Tuorum pacem sollicitat ac oppugnat, recidamus. Satis hucusque, (ignosce PRINCEPS, & in liberâ Rep. liberam boni Civis vocem haud dedignare) lenitate ac mollibus consiliis peccatum, neque quicquam tot annorum patientiâ profectum, quàm ut plura & graviora tanquam ex facili tolerantibus Germanis imponerent exteri, ac simplicitati gentis candidæ, & adversum peregrinas præstigias nondum satis cautæ, nefarie illuderent. Hâc

quia non successit, aliâ incedendum viâ est, & Leonina tandem pellis adversus Vulpiones istos induenda. Semel nôris, DOMINE, semper experieris, secundum TIBI quenquam constitui non posse, nisi ut TU primus ac summus, imò vivus, esse desinas. Quot unius intra anni vertentis ambitum insidias Corpori, Vitæ, Saluti TUÆ structas & subiisti hætenus, & feliciter, ipso Numine velut è machina interveniente, superâsti! An desitura hæc discrimina, & quieturas Furiarum iras censes, si de herede Regni, certove successore constiterit? Non sunt ea, in quæ reservati sumus, tempora, quæ ambitioni modum statuunt, quæ improbis dominandi votis, quorum impetus cunctis affectibus flagrantior, quamvis in tenuem admissis tramitem, fræna injiciant, limites ponant, terminum figant: sed in seculum, heu miseri! incidimus, quo irrisui probitas, contumeliæ fides, prosperum ac felix scelus in quæstu & laude est; apud eos maxime, qui solius Regni causâ jura violanda existimant, ac omnia recta & honesta negligunt, dum modò potentiam consequantur, cui adipiscendæ non vitam tantum, sed & animam immolant. Vetus atque insita mortalibus regnandi  
cupido

cupido in hâc Romuli fece usque adeò adolevit,  
 erupitque, ut semel in alveum recepta torrentis  
 instar latissimè evagandi sibi viam faciat, & nec  
 metas, nec tempora nôrit; ac ut olim virtutis &  
 modestiæ, ita nunc procacitatis & impotentiae  
 certamen sit. Et quemadmodum primæ domi-  
 nandi spes plerumque in arduo, ita semel ingres-  
 sis adsunt studia & ministri, qui occultis malig-  
 nisque stimulis excitant quietos, impellunt du-  
 bios, & calcaria currentibus addunt, impatiensq;  
 loci fortuna secundi nihil medium, nihil mode-  
 rabile suadet. Ita institutis, ita dispositis animis,  
 ad quodcunque scelus ab ejusmodi voto facilimè  
 transitur, nec quisquam sibi turpe putat, quod  
 alteri fuit fructuosum. Longè ferrea ætas nostra  
 ab aurei illius ævi niveâ simplicitate discessit, ubi  
 non fraude & occultis, sed palàm & armatum  
 hostem suum vel aggredi vel ulcisci, moris fuit,  
 probroque arma habentibus vertebatur, licitari  
 hostium capita. Nulli amplius Romani, Pyrrho  
 quamvis hosti parricidalem medici conatum de-  
 tegentes; Nulli Vitellii, qui talibus pro speratis  
 præmiis merita supplicia reddant, munimento in  
 præsens, in posterum ulcioni. Traditus ille ve-  
 tustis Principibus mos, ut ultor ejusmodi facino-  
 ris



ris esset , quisquis successisset , cum cæteris anti-  
quæ sapientiæ præceptis in codicem legum abro-  
gatarum jam dudum relatus est , introducta in il-  
lius locum profanâ & gentilibus ignotâ consue-  
tutine , alieno sanguine , quamvis Imperatorio &  
Regio , tanquam vili & plebejo prodigè utendi ,  
nihilque pro obtinendâ dominatione abnuendi.  
Nihil indigemus exemplis : Tuum TIBI, DO-  
MINE, ante oculos colloca. Ad unius morbi  
Tui famam , quanta proditionum semina , quot  
insidiantium agmina , confestim ex imis Orci ca-  
vernīs erupere ? Quid ausuros credis , si de succes-  
sore audierint ? cujus vindictam adeò non metu-  
ent , ut honores & præmia pro egregio , si Diis  
placet , facinore expectaturi sint. Non enim ,  
nisi TE, IMPERATOR, quod superi aver-  
runt , sublato securum se potentiæ credet ,  
quemcunque secundo abs TE gradu irata terris  
sidera constituerint : qui tunc demum se sine  
controversiâ , sine exceptione regnare existima-  
bit , ubi , quicquid luminibus ejus offecerat , re-  
moverit. Nemo autem magis officit , quàm qui  
major est , & cujus nomen supra id , quod primo  
proximum est , attollitur. Ita neque adversus ,  
neque à tergo aut lateribus tutus eris , semperque  
in



in affiduo periculo & metu, inter manus minasq;  
Vitæ TUÆ quotidianas insidias parantium mise-  
rum & inquietum traduces ævum, nec illos ipsos  
custodes, quibus TE commiseris, securus aspi-  
cies. Sic ubi semel invidiæ cesseris, ac unâ &  
quidem præcipuâ in re consortem potentiæ,  
æmulum fortunæ admiseris, actum de magnitu-  
dine TUA, DOMINE, & de salute nostrâ erit,  
quam ne ipsa quidem salus servare poterit. Sed  
quid hîc consilii? quid remedii? Res eò usque  
progressa equidem videtur, ut caverè magis,  
quàm quid contra statuatur, consultare oporteat.  
Quandoquidem autem non solis votis & suppli-  
ciis Deorum auxilia parantur, qui nunquam pro-  
pter nos de Cœlo descendent, sed plerumque

— *alitur vitium, vivitq; tegendo,  
dum medicas adhibere manus ad vulnera Pastor  
abnuït, & meliora Deos sedet omnia poscens.*

Idcirco non solâ Imploratione superûm, sed vi  
ac virtute evadendum est. Haud nescis, pro ce-  
terâ prudentiâ TUA, AUGUSTE, contraria  
contrariis curari, & adversum morbos, quibus  
lenior medicina impar fuit, cauteriis ac vesicato-  
riis utendum esse. Quibus bonitas TUA despe-  
ctui

Etui fuit, hi suo malo discant, contumacia inferiorum mansuetudinem imperantium diminui. Inerme pacis studium, & dimissa militia animos prava conantibus subdidit, & perduelles ad exuendam fidem impulit. Arma para, copias undique conscribere, omnem belli apparatus convehere: non castra sine legionibus, non munita loca sine praesidiis, non praesidia sine pecunia, sine comitatu, sine tormentis, omniq; provisu ad ornamentum pacis & subsidium belli necessario sint. Inanis est misericordia, quae sic alienae salutis parcat, ut suam negligat. Nec Clementiae famam quamvis utilem regnantibus inde captaveris, unde Capiti TUO exitium imminet. Imprius autem erectum TE, DOMINE, ac fidentem animi, & quibuscunque fortuitis superiorem ostende: ut hinc spes subditis, fiducia sociis, veneratio æmulis, terror hostibus augeatur, nihil temerè ausuris, si TE fortem ac vigilem, & ad omnes casus intentum paratumq; audierint. Hactenus amorem duntaxat ipsa Imperii dulcedine meruisti: sed nunc à mori praesentissimum munimentum adjuuge TIMOREM, sine quo imbellis & fluxa res est amor subditorum erga imperantes. Fac in armis TUIS, ut solatium bonis,  
ita

ita malis supplicium sit. Effice, ut intelligant omnes, TE fidem colentibus mitem, perfidis inexorabilem esse, neque cuiquam in eo genere criminis bis peccare licere, in quo ne semel quidem tutò delinquitur, tutò pœna remittitur. Ad famam TUAM hoc, imò ad gloriam erit: neque laceffere audebunt fortunam TUAM, qui atrocibus factis pares pœnas, nullum veniæ locum viderint. Nemo de potestate TUA, ut malo temporum vicio increbuit, disputare, nemo de successore TIBI surrogando, nemo de insidiis valetudini TUÆ provinciarumque quieti struendis cogitare sustinebit, si TE domi cautum ac circumspectum, foris ad Belli pariter ac Pacis tempora instructum noverint. Desinet quicquid adversum, evanescet quicquid suspectum, dissipabitur quicquid turbidum fuerit. Ipsos hostes insanix suæ subibit pœnitentia, & plagis emendati ad bonam mentem revertentur, qui beneficiis placari non potuerunt. Libertatis suæ abusu tumidi serò tandem agnoscent, quantò præstet moderatum unius Imperium effræni plurium licentiæ. Nec Germani alterius Principis nomen vel amare vel ambire, nec alterius signa sequi, aut in peregrina verba jurare volent; domestico,

cui tam diu assueverunt, Imperio contenti: præ-  
fertim, si, quod præcipuum omnium MAJE-  
STATEM TUAM colentium votum ac su-  
spirium est, diurnam orbitatem TUAM feli-  
ciore ac repetito sæpius masculi heredis editu cor-  
rigi intellexerint, ne spes nostra quotannis nova  
in ventos semper & fumos abeat. Hanc ut im-  
pleas, & domum virili prole, familiam vitali  
germine fœcundes, ac posteros tantis Majoribus  
dignos, & olim haud minores futuros proferas,  
TUÆ salutis, nostræq; securitatis interest. Nun-  
quam enim verè tutus eris, quam diu orbus fue-  
ris. Semper aliquid æmulis sperandum, TUIS  
metuendum erit, donec viderint, multâ TE fa-  
ctum prole parentem, quæ, cum vi tot capita  
corripere intutum sit, moram prava molientibus  
afferat. Sed cum id non humani consilii offi-  
cium, sed cœlestis gratiæ beneficium ac donum  
sit, orandus est Naturæ Parens, qui & principio  
& fine caret, ipse tamen omnium principium ac  
finis; qui habitare facit, sterilem in domo ma-  
trem, filiorum latentem, & potens est, è lapidi-  
bus suscitare semen, ut nunquam auferatur de  
Domo TUA, qui sedeat super Thronum Tuum:  
ut TE

*Nato-*

*Natorum Natos, & qui nascentur ab illis,*

excipere, & in spem paternæ fortunæ ac gloriæ educare sinat; ut juvenus TUA sicut Aquilæ renoyetur in posteris, ac usque ad consummationem seculi

*Semper honos, nomenq; TUUM, laudesq; perennent.*

Ipse etiam hæreat lateri TUO, & custodiat pedem TUUM, ne capiaris. Ipse confirmet Regnum TUUM, & corroboret solium in judicio & justitiâ, à modo & usque in sempiternum, ac dies super dies TIBI adjiciat, annos TUOS usque in diem generationis & generationis augeat, ut permaneas in æternum in conspectu ejus, neque unquam à custodia TUI Tuorumque oculos amoveat, aut relinquat TE votis, quæ non palam suscipiuntur. Quoniam autem DEUS ac Natura nihil frustra faciunt, & superi bona sua laboribus vendunt: TIBI quoque, DOMINE, providendum est, ut vota nostra & preces cœlum penetrent, ac ne, nobis omnibus de salute TUA, id est nostrâ, anxiiis & sollicitis, minima TUI cura TIBI ipsi sit, quasi TUI potius,

tius, quàm nostri juris fores. Ne privatis quidem corporis vitæque suæ dominium ac arbitrium Natura permittit : quantò minus TIBI, AUGUSTE,

— — — *Quo sospite nobis*  
*Iratos nondum credimus esse DEOS.*

Si TUA parum refert, quàm diu vivas : at nostra plurimùm interest, ut quàm diutissimè mortem TUAM differant Fata, & ut serus ac satur demum vitæ, satur gloriæ Cœlum, unde ortus es, repetas. Quis enim est tam de suâ aut communi salute nihil cogitans, qui non intelligat, TUA salute contineri suam, & ex unius TUI vitâ Spiritum omnium pendere? Quare

*Vitam TIBI uni si negas, cunctis negas,*

&c, cùm manifestis adeò periculis inerme ac indefensum objicias corpus, oblivisceris TE tot subditorum animas, tot Provinciarum quietem trahere in casum. Sublatis enim, quod superi prohibeant, AUSTRIACIS, quid aliud quàm omnium inter se gentium bella existent? Ac velut post Alexandri M. obitum, Ducum ejus in dividendis tantæ fortunæ reliquiis certamina totum Orientem



XIV

Orientem cæde ac sanguine cruentârunt, ac tandem Romanis, quanquam toto Mari discretis, ut juvandis sociis terrarum omnium potirentur, viam ac gradum ad occupandum universi orbis imperium fecerunt : ita, quid aliud TE sine liberis ac certo, sed è gente TUA, regni hærede, rebus humanis exempto, expectandum erit, quàm bella & cædes, ac ut clades clade, sanguis sanguine, barbarorum ritu, expietur ? Profectò,

*Quem sæpè transit casus, aliquando invenit.*

Et, quamvis propitia hætenus Numina sacrilegas parricidarum manus à Capite TUO avertèrint, quamvis ortas adversum TE, & conglomeratas undiqueque Conjunctionum nubes, priusquam in horridas tempestates sævosque turbines erumperent, opportunè discussèrint, & armatis cœlestium geniorum cohortibus latus lectumque TUUM cinxerint: nôris tamen, DOMINE, DEOS vigilantibus adesse, quibus & jura, legesque favent. Cæteroquin

— — — *Nemo se tutò diu  
Periculis offerre tam crebris potest.*

Imò nemò facilius opprimitur, quàm qui nihil timet.

met. Quod olim Julio Cæsari evenit, qui dum mori quàm timeri mavult, & clementiam, quam præstitit, expectat, incautus ab ingratis occupatus est; Quod tot post illum Principibus contigit, quibus de Conjuratone comperta non creditum est, nisi occisis: Hoc ne TIBI, CÆSAR, accidat, nulli magis quàm TIBI cavere incumbit. Qui pro omnibus excubas, pro TE potissimum vigila, cujus vita & fortuna fortes & fata nostra dirigit. Quidnì autem facias? quidnì?

— — *animosq̃ gerens, curasq̃ viriles,*

imperatorio Spiritu utaris in eos, qui lenitatem TUAM aspernati, severitatem experiri maluerunt? Superest ergò, ut collata TIBI coelitus beneficia pari felicitate dicam an sapientià tuearis, partaque victoriâ non frui tantùm, sed, quod longè præstantius est, uti velis. Frustrà sic cæpisti, si hìc desinis. Ut canis ad vomitum, ita domiti ad impetum redire poterunt, nisi antidota semper ad manum sint. Quæ autem fortiora? quæ præsentiora? quàm arma & paratus, ac semper sub signis & in castris exercitus? Nec de lumentibus dubita. Tot regionum à Solis Ortu ad Occa-



Occasum, ab Austro ad Aquilonem Domino, deesse miles, deesse ad alendum militem necessaria non possunt. Velis modò, DOMINE, TE ipsum nosse, & tantum audere, quantum vales. Sed ærarii militaris ratio habenda est, sine quo disciplinam servare non potest jejuna exercitus. Neque crede has impensas aut Fisco TUO graves, aut pro tempore inutiles, aut Provinciis intolerabiles fore Nullibi rectius, quàm in legendis ac sustentandis copiis, pecunia collocatur: quam in loco negligere, in lucro ponunt callidi temporum & periti rerum æstimatores. Inutiles autem nemo dixerit sumtùs, qui tuendæ Reip. causâ fiunt. Neque quisquam abnuit de suo conferre, unde universo subveniatur: Resp. enim salva, privatas res facilè salvas præstat. Publica negligendo sua nemo servat, & multis serò innotuere

*Ingressa in thalamos publica damna suos.*

Victi equidem hostes, prostrati rebelles, comprehensa conjurationis capita sunt. Terror longè latèque inter eos sparsus, qui antehac vellicari TE, CÆSAR, non modò sine metu pœnæ, sed etiam cum spe præmii, & opimioris, quo-

D

ties

ties pacisci, ac redire **TECUM** in gratiam vel-  
lent, conditionis posse sibi persuaserant. Hæc  
egregia Fortunæ munera frustra habes, nisi iis-  
dem artibus servas, quibus initiò parta sunt. Ar-  
mis nimirum, & perpetuo milite, unde omne  
magnis Imperiis robur, & sine quibus quamvis  
præclara consilia invalida sunt. Semel hoc habe,  
semper tene, **UNAM IN ARMIS SALU-**  
**TEM**, neque ullam Civitatem, quamvis exi-  
guam, sine hoc præsidio vel ad momentum tu-  
tam esse. Quanto minus amplissima regna abs-  
que militari vallo subsistere poterunt, aut ma-  
gnam & jugi impatientem multitudinem, aliter  
quàm vi metuque, in officio contineas. Quis  
enim sponsor idoneus aut fidejussor erit, non  
resumpturos arma, si **TU** posueris, si facultatem  
adversum **TE** denuò insurgendi rursus sibi ob-  
latam viderint? At tunc iterum novos ages de-  
lectus, nova conquires auxilia. Bonum factum  
modò ea semper in promptu sint, aut nefaria sce-  
leratorum audacia (cujus fulmen semper cum  
ictu venit, nec prodit se, nisi dum perdit) tan-  
tum temporis ac spatii **TIBI** concedat, ut com-  
modo **TUO** improbis molitionibus occurrere  
possis. Longè præsentius & efficacius bonis per-  
fugium,

XYV  
fugium, malis remedium, in continuo & sub cer-  
tis stipendiis merente milite est, qui non de-  
mum, cum Hannibal ante portas est, è longin-  
quo accersendus, ac diu & cum magnâ rerum  
gerendarum remorâ expectandus est, sed ad subi-  
ta casuum & bellorum uno edicto convocatur,  
& advolat. In hunc finem Romanæ quondam  
lègiones limitem Imperii, prætorianæ cohortes  
corpus Imperatoris sui, tutatæ sunt. Id hodieque  
firmissimum Turcicæ potentiaæ robur, imò fun-  
damentum est, cui vasta barbaræ dominationis  
superbia innititur. Imitare, AUGUSTE, vici-  
næ & meritò TIBI suspectæ gentis institutum,  
&, ut aliquando sine bello, ita nunquam sine ar-  
mis esto. Habes præ foribus hostem, cujus lunulas  
penè è Regiâ TUA conspicere potes. Habes do-  
mi insidiatores, qui omnes gressus TUOS, &  
cuncta, quibus nocere vitæ aut Fortunæ TUÆ  
possint, momenta observant, & quamvis non  
adeò opibus valeant, nescio, quem tamen ca-  
sum aut tempus opperiuntur. Habes in Provin-  
ciis, quæ non eodem, quo subiguntur, impetu  
domantur, altè in multorum pectoribus hæren-  
tia atræ loliginis semina, statim eruptura, ut pri-  
mum licuerit. Quò attentior fueris, hoc illis ani-

mus infirmior erit. Si paululùm modò TE remif-  
fiozem obfervaverint, illicò omnes ferozes ade-  
runt. Venia primo fccleri data, irritamentum fe-  
cundi vel audendi vel perpetrandi erit : nec  
emendationi locum relinquet ipfa criminis atro-  
citas, nunquam bis fine Principis aut percufforis  
exitio tentata. Habes ex omni vicinix TUÆ  
latere gentes ambitione æmulas, odiis incenfas,  
invidiæ plenas, moribus barbaras, fitu contiguas,  
impetu validas, armis instructas, felicitate turgi-  
das : adverfum quas potentiam TUAM, non ni-  
fi armis & affiduo belli, quanquam funtuoso,  
paratu tuearis, cujus impenfæ utilitate publicâ  
pensantur. Hæc una res TE securum, nos tutos  
præstare potest. Hæc sola efficiet, ut nec succes-  
forem timendum habeas, nec percufforem. Hæc  
TE venerabilem Tuis, formidabilem hostibus  
reddet. Hæc cruentos famososq; libellos, de Po-  
testate Principis, prohibitâ legibus petulantia dis-  
ceptantes, armis confodet, ac suppliciis cohibe-  
bit. Hæc subditos in obsequio, Provincias in fi-  
de, Imperium in pace continebit, & securita-  
tem domi, auctoritatem foris parabit. Quicquid  
inermem hætenus contentui, odiis, periculis  
objecit, ultrò cessabit. Revertentur ad Stygias  
paludes

paludes immiffæ provinciis TUIS Furia, ac infamiam suam infernalibus latebris occultabunt. Succedent earum in vicem ac regnum in Aulâ obtinebunt, triumphalis honos, certamen virtutis, & ambitio gloriæ, feliciū hominū affectus; & inter arma quietus tranquillūque, videbis misericordiam & veritatem sibi mutuò obviantes, lætaberis in reciproco pacis & justitiæ amplexu, aspicias Filios Filiorum Tuorum, & bonā summæ Fortunæ omnibus diebus Vitæ TUÆ. Nec amplius TE longā ambage morabor, nisi, ut quemadmodum à voto cœpi, sic in voto definam, quod pro TUA, id est, generis humani, nationis Germanicæ, Gentis Austriacæ incolumitate denuò conceptis verbis nuncupo: ut nimirum supremus iste Regnorum conditor, Regum conservator, rerum Arbiter, TE inter Tuos, Tuos TECUM & per TE salvos, invictos, ac nullis fortunæ casibus superabiles præstet, & tantum nobis Principem, quō meliorem mitioremq; nulla ætas tulit, quā diutissimè vivere, quā felicissimè regnare, quā sæpissimè vincere velit, jubeatque; ne ulla unquam tam infausta necessitas Germaniæ rebus ingruat, ut de successore extra domum TUAM quærendo vel invitis iis,

quibus has partes mos ac jus Patriæ delegârunt,  
deliberandum sit. Duret semper, maneatque vi-  
cturum in secula nomen AUSTRIACUM,  
quo non aliud sublimius inter mortales, nullum  
DEO propius, cariusque extat. Augeatur cum  
Imperii vitæque annis triumphorum TUORUM  
numerus, & virtutis fama, & amor Civium.  
Terror in hostes, metus inter rebelles longè la-  
tèque diffusus, auferat illis nocendi, his insurgen-  
di licentiam & fiduciam. Gloria TUA toti orbi  
conspicua, potentia formidabilis fiat, neque quis-  
quam posthac vel contemnere orbitatem TUAM,  
vel captare hæreditatem, vel inhiare successioni  
audeat. Videat postera atas æmulam avitæ lau-  
dis stirpem in majorum vestigia ituram, & secu-  
tura fœcunditas tot funerum damna cum fœnore  
rependat, ac AUGUSTUM MAJESTATIS  
TUÆ THORUM annuo censu, eoque vitali  
& masculo dotet. Ita remoto, quo nunc suspen-  
si sollicitique attinemur, timore ac metu, Anni-  
versaria Imperii TUI solennia festis acclamatio-  
nibus, faustis appreationibus lati ac hilares ce-  
lebrabimus, bonisque omnibus prosequemur ma-  
gnum illum diem, qui TE Germaniæ, ingens  
longumque ejus bonum, præfecit. Quod mecum

ex voto animique sententiâ augurantur, quos pietas in Deum, obsequium erga TE, fides in Patriam, boni civis, obedientis subditi, religiosi cultoris officia docuit. DOMINUS TECUM, AUGUSTE, & cum Spiritu TUO! Is curam salutis, custodiam corporis, patrociniûm Fortunæ TUÆ suscipiat, quia TU omnium habes, qui jussu TUA venerantur, Sceptra adorant, gloriæ famulantur, & uno REGE unâq; LEGE contenti, nullum REGEM nisi CÆSAREM, neque hunc alium quàm Austriacum nôrunt, cupiunt, exoptant, & qui notis olim formulis, & e veteri memoriâ repetitis quotidie exclamant: *LEOPOLDE CÆSAR, JUSTE, INCLYTE, INVICTE, SUPERI TE SERVENT! CONSERVATOR PACIS, TUTOR IMPERII, DOMITOR REBELLIIUM, DEUS TE CUSTODIAT! PRINCEPS PIE, PRINCEPS BENEFICE, NUMINA TE TUEANTUR! VINDEXTUORUM, VICTOR HOSTIUM AC TRIUMPHATOR, SPES ET FIDUCIA SALUTIS PVBLICÆ; VIVAS! VALEAS! VINCAS! TUUM IMPERIUM NULLA VIS LÆDAT!*  
SI



SI QUIS VITÆ TUÆ, SI QUIS FOR-  
TUNÆ, SI QUIS INCOLUMITATI  
TUÆ, SI QUIS TRANQUILLITATI  
NOSTRÆ INSIDIAS TENDIT, AD-  
VERSA MOLITUR, LUAT QUOD  
MERUIT! HOSTIS REIP. PARRICI-  
DA IMPERII, CARNIFEX INSON-  
TIUM UNCO TRAHATUR! LATRO  
PUBLICUS, PRODITOR PATRIÆ  
MAJESTATIS POENA PLECTATUR!  
TURBATOR QUIETIS, OPPROBRI-  
UM SEculi ÆTERNA INFAMIA  
NOTETUR! *LEOPOLDO* CÆSARI  
VITAM LONGÆVAM, DIUTURNUM  
IMPERIUM, VALETUDINEM IN-  
CONCUSSAM, INTEGRAS VIRES,  
FORTIA ET FELICIA ARMA, PRO-  
CERES FIDOS, CONSILIARIOS PRO-  
BOS, DOMUM TUTAM, MASCU-  
LAM PROGENIEM, FAMILIAM FLO-  
RENTEM, POSTERITATEM NON  
INTERMORITURAM ROGAMUS!  
UT SALVI SIMUS, DEUS OPT. MAX.  
SERVA NOBIS *LEOPOLDUM*! HOC  
SALVO, SALVI ET SECURI SUMUS.

AUGU-



AUGUSTE IMPERATOR, SUPERI TE  
 NOBIS PRÆSTENT! ILLI TE DEDE-  
 RUNT, ILLI SERVENT! QUI TE A  
 MANIBUS IMPURORUM ERIPUE-  
 RUNT COELITES, ILLI TE PER-  
 PETUENT, SOBOLEM TUAM AU-  
 GEANT, GLORIAM MULTIPLICENT!  
 TU PATER PATRIÆ, TU VERE  
 PRINCEPS, IN TE OMNIA, PER TE  
 OMNIA HABEMUS. FELICES NOS  
 IMPERIO TUO, FELICEM GERMA-  
 NIAM, HOC CÆSARE! SIMILEM  
 NON ALIUM SEMPER OPTAVIMUS,  
 NEC EXEMPLUM ALIIS, VEL TIBI  
 ALIUD, QUAM TUUM.

— — — Ἐἰς Κοίραν ὁ ἔστω  
 Ἐἰς βασιλεὺς — — —

SPECIMEN MAGNI PRINCIPIS, O-  
 PTIMI EXEMPLAR, SUPERI TE  
 PROTEGANT! NUMEN IMMOR-  
 TALE, LEOPOLDO VITAM ET VI-  
 CTORIAM! TE HINC ISTER, IN-  
 DE RHENUS LAUREATUM ASPICI-  
 AT! GLORIAM TUAM, FORTITU-  
 DINEM,

DINEM, NUTUS FINITIMÆ GEN-  
TES A MARI USQUE AD MARE AD-  
ORENT! NON ABNUANT A *LEO-*  
*POLDO* VINCI, NON REGI. QUIC-  
QUID OPTAVERIS, DEUS VOTA  
PRÆVENIAT! QUI SIC TE AMAT,  
QUEMADMODUM TU NOS, IN QUOS  
PATERNO, NON HERILI ANIMO  
UTERIS. MAGNE PRINCEPS, ET  
COELESTIBUS PROXIME, TUOS  
SOMNOS HORUM EXCUBIÆ MU-  
NIANT, TUOS GRESSUS CUSTODI-  
ANT, MENSÆ BENEDICANT, CON-  
SILIIS PRÆSINT, AUSPICIIS FAVE-  
ANT! EXAUDIAT MISERICORDIA-  
RUM PATER PRECES NOSTRAS,  
QUAS NON FIDEI SOLIUS NECES-  
SITAS, SED MERITI VERITAS, ET  
TOTIUS PATRIÆ UTILITAS EX-  
PRESSIT! IN TE SALUS, DOMINE,  
IN TE VITA, UT VIVERE DELE-  
CTET! REGNES! IMPERES! PER-  
ENNES! FELICITATEM, PALMAS,  
TRIUMPHOS, PROPITIA TIBI FA-  
TA ADJICIAN! PACEM TUAM  
NEMO